


74  
6271  
4





74  
6271



漢制攷卷之四

詩



去五味均平藏

小星抱衾與稠箋稠木帳也疏漢世名帳為稠蓋因

於古鄭志今人名帳為稠

願言則噫箋今俗人噫云人道我此古之遺語也

涇以渭濁注涇渭相入而清濁異疏漢書溝洫志云

涇水一石其泥數斗潘岳西征賦云清渭濁涇是也

方之舟之注舟舩也疏舟者古名也今名舩易曰利

涉大川乘木舟虛注云舟謂集板如今自空大木為



之曰虛卽古又名曰虛總名皆曰舟

副笄六珈箋珈之言加也副旣笄而加飾如今步搖上飾古之制有所未聞 疏步搖副之遺象故可以相類也古今之制不必盡同故言古之制有所未聞以言六珈必飾之有六但所施不可知

漸車帷裳箋帷裳童容也 疏巾車云重翟厭翟安車皆有容蓋鄭司農云容謂檐車山東謂之裳幃或曰童容以幃障車之傍如裳以爲容飾故或謂之幃裳或謂之童容其上有蓋四傍垂而下謂之檐故雜記

曰其鞫有袞注云袞謂鼈甲邊緣是也然則童容與檐別司農云謂檐車者以有童容上必有檐故謂之爲檐車

適子之館兮箋卿士所之之館在天子之宮如今之諸廬也

方秉藺兮注藺蘭也 疏澤蘭廣而長節節中赤高四五尺漢諸池苑及許昌宮中皆種之可著粉中藏衣著書中辟白魚

齊子豈弟 豈讀當爲鬪弟古文尚書以弟爲鬪鬪明

也。疏古文尚書卽今鄭注尚書是也無以悌爲圍之字唯洪範稽疑論卜兆有五曰圍注云圍者色澤光明蓋古文作悌今文作圍賈逵以今文校之定以爲圍故鄭以賈氏所奏從定爲圍於古文則爲悌有鴟萃止疏漢供御物各隨其時唯鴟冬夏尚施之以其美故也

刺朝廷之不知。疏漢魏稱人主或云國家或言朝廷古今同也

烝然汕汕注汕汕櫟也箋櫟者今之捺罟也

錫我百朋箋古者貨貝五貝爲朋。疏漢書食貨志大貝牡貝么貝小貝不成貝爲五小貝以上四種各二貝爲一朋而不成者不爲朋王莽多舉古事而行五貝

搏獸于敖箋敖鄭地今近滎陽

田峻至喜箋田峻司嗇今之嗇夫也。疏田峻田官在

田司主稼穡故謂之司嗇漢世亦有此官謂之嗇夫故言今之嗇夫也

既種既戒箋至孟春上長冒櫛陳根可拔而事之。疏

出於農書

邪幅在下注幅偏也箋邪偏如今行滕也偏束其脛自足至膝故曰在下 疏左傳曰帶裳幅舄內則亦單云偏則此服名偏而已杜鄭皆云今之行滕然則邪纏於足謂之邪幅

酌言疇之箋主人既卒酢爵又酌自飲卒爵復酌進賓猶今俗人勸酒 疏俗人亦先自飲而後勸人

韓奕箋梁山今左馮翊夏陽西北 疏漢於長安畿內立三郡謂之三輔京兆在中馮翊在東扶風在西外

郡之長謂之太守此三輔者謂之京兆尹左馮翊右扶風左右猶外郡之名太守也計此止須言馮翊耳不須言左但漢書稱馮翊扶風之人皆并言左右故鄭亦連言左范曄後漢書始於馮翊扶風之人不言左右

召旻彼疏斯稗箋米之率糲十稗九鑿八侍御七 疏九章粟米法云粟率五十糲米三十稗二十七鑿二十四侍御二十二

靴磬祝園疏臯陶謨云合止祝敵注云祝狀如漆筓中

有椎合之者投椎於其中而撞之敵狀如伏虎背上刻之所以止鼓謂之止釋樂云所以鼓祝謂之止所以鼓敵謂之籥郭璞云祝如漆笛方二尺四寸深一尺八寸中有椎柄連底洞之今左右擊止者其椎名也敵如伏虎背上有二十七鉏鋸刻以木長尺櫟之籥者其名也此等形狀蓋依漢之大予樂而知之籥籥圍敵古今字耳

簫管備舉箋簫編小竹管如今賣錫者所吹也管如遂併而吹之 疏賣錫之人吹簫以自表也史記稱伍子胥鼓腹吹簫乞食吳市亦爲自表異也

侯疆侯以箋以謂閔民今時傭賃也

以開百室箋百室者出必共洫間而耕入必共族中而居又有祭醕合釀之歡 疏族師職云春秋祭醕注云醕者爲人物災害之神也古書醕爲步因此祭醕聚錢飲酒故後世聽民聚飲皆謂之醕漢書每有嘉慶令民大醕五日是其事也

允猶翁河箋河自大陸之北敷爲九 疏鄭志答張逸云鉅鹿今名廣河澤然則河從廣河之北分爲九也

禹貢兗州九河既道鄭注云九河之名徒駭太史馬  
頰覆釜胡蘇簡絜鉤盤鬲津周時齊桓公塞之同爲  
一今河間弓高以東至平原鬲津往往有其遺處焉  
鄭以古之九河皆在兗州之界於漢乃冀州域耳  
思樂泮水箋辟雖者築土雖水之外圓如壁四方來觀  
者均也 疏辟廡之宮內有館舍外無牆院也後漢  
書明帝正坐自講諸儒問難於前冠帶搢紳之人圍  
橋門而觀聽者蓋億萬計是由外無牆院故得圍門  
觀之也

犧尊將將注犧尊有沙飾也 疏春官司尊彝作獻尊  
鄭司農云獻讀爲犧犧尊飾以翡翠象尊以象鳳皇  
或曰以象骨飾尊此傳言犧尊者沙羽飾與司農飾  
以翡翠意同則皆讀爲娑傳言沙卽娑之字也阮詵  
禮圖云犧尊飾以牛象尊飾以象於尊腹之上畫爲  
牛象之形王肅云將將盛美也大和中魯郡於地中  
得齊大夫子尾送女器有犧尊以犧牛爲尊然則象  
尊尊爲象形也王肅此言以二尊形如牛象而背上  
負尊皆讀犧爲犧與毛鄭義異



自彼氏羌箋氏羌夷狄國在西方者也 疏氏羌之種  
漢世仍存其居在秦隴之西

書

科斗書廢已久正義亡新使甄豐校定六書一曰古文  
孔子壁內書也孔子壁內古文卽蒼頡之體故鄭元  
云書初出屋壁皆周時象形文字今所謂科斗書以  
形言之爲科斗指體卽周之古文若於周時秦世所  
有至漢猶當識之不得云無能知者

義典正義刻漏漢初率九日增減一刻和帝時待詔霍  
融始請改之古時真歷遭戰國及秦而亡漢存六歷  
雖詳於五紀之論皆秦漢之際假託爲之實不得正  
舜典璣衡正義璣爲運轉衡爲橫簫運璣使動於下以  
衡望之是王者正天文之器漢世以來謂之渾天儀  
者是也蔡邕天文志云言天體者有三家一曰周髀  
二曰宣夜三曰渾天宣夜絕無師說周髀術數具在  
考驗天象多所違失故史官不用惟渾天近得其情  
今史所用候臺銅儀則其法也宣帝時耿壽昌始鑄  
銅爲之象史官施用焉後漢張衡作靈憲以說其狀

史記索隱益部者舊傳云落下闳待詔太史於地  
中轉渾天

六宗正義續漢書云安帝元初六年立六宗祠於洛陽  
城西北亥地祀比大社

金作贖刑注黃金 正義此傳黃金呂刑黃鐵皆是今  
之銅也古之贖罪者皆用銅漢時改用黃金但少其  
斤兩令與銅相敵後魏以金難得合金一兩收絹十  
匹今律復依古贖銅

程氏曰漢世以金價計贓故謂十金法重不忍相

暴章

益稷祝敵搏拊正義祝敵之狀經典無文漢初以來學  
者相傳皆云祝如漆桶中有椎柄敵如伏虎背上有  
刻漢禮器制度及白虎通其說皆爲然搏拊形如鼓  
以韋爲之實之以糠擊之以節樂漢初相傳爲然  
禹貢壺口梁岐正義高祖入咸陽蕭何先收圖籍則秦  
焚詩書圖籍皆在孔君去漢初七八十年耳身爲武  
帝博士必當具見圖籍其山川所在必是驗實而知  
壺口在冀州梁岐在雍州當時疆界爲然也

既修太原注高平曰太原今以為郡名 正義即晉陽縣

島夷正義孔讀鳥為島是海中之山九章算術所云海島邈絕不可踐量是也

黑水正義地理志益州郡故滇王國也武帝元封二年始開為郡郡內有滇池縣縣有黑水祠

五子之歌六馬正義經傳之文惟此言六馬漢世此經不傳餘書多言駕四者春秋公羊說天子駕六毛詩說天子至大夫皆駕四許謹案王度記云天子駕六

鄭元以周禮校人養馬一師四圉四馬曰乘康王之誥云皆布乘黃朱以為天子駕四漢世天子駕六非常法也

石慶為太僕御出上問車中幾馬慶以策數馬畢舉手曰六馬

夏社正義漢世儒者說社稷有二左傳說社祭勾龍稷祭柱棄惟祭人神而已是孔之所用孝經說社為土神稷為穀神勾龍柱棄是配食者也是鄭之所從

咸有一德七世之廟正義王肅等以受命之王是初基

漢書卷之四  
之王故立四廟庶子王者謂庶子之後自外繼立雖承正統之後自更別立已之高祖已下之廟猶若漢宣帝別立戾太子悼皇考廟之類也

微子今殷民乃攘竊神祇之犧牲牲用注盜天地宗廟牲用正義漢魏以來著律皆云敢盜郊祀宗廟之物無多少皆死爲特重故也

泰誓正義漢書婁敬說高祖云武王伐紂不期而會盟津之上者八百諸侯偽泰誓有此文不知其本出何書也武帝時董仲舒對策云書曰白魚入于王舟有火復于王屋流爲烏周公曰復哉復哉今引其文是武帝之時已得之矣

牧誓羌髡微注羌在西蜀髡髡微在巴蜀正義左思蜀都賦云三蜀之豪時來時往是蜀都分爲三羌在其西故云西蜀叟叟者西蜀之別名巴在蜀之東偏漢之巴郡所治江州縣也

後漢與平元年馬騰劉範謀誅李傕益州牧劉焉遣叟兵助之是蜀夷有名叟者也

武成正義漢書律歷志引武成篇與此經不同彼是焚

書之後有人偽為之漢世謂之逸書後又亡其篇

召誥攻位于洛汭注治都邑之位於洛水北今河南城

也正義漢書地理志河南郡治在洛陽縣河南城

別為河南縣

成王既伐東夷注海東諸夷駒麗扶餘駟之屬

正義此皆於孔君之時有此名漢書有高駒麗扶餘

三韓此駟即彼韓也

費誓淮夷徐戎注此戎夷王所羈縻統緒故錯居九

州之內秦始皇逐出之正義漢時內地無戎夷者

秦始皇逐出

呂刑輸而孚注謂上其鞫劾文辭正義漢世問罪謂

之鞫斷獄謂之劾

善敕乃甲冑注甲鎧冑兜鍪正義經典皆言甲冑秦

世已來始有鎧兜鍪之文古之作甲用皮秦漢已來

用鐵鎧鍪二字皆從金蓋用鐵為之因以作名

我惟築注攻敵壘距堙之屬正義兵法攻城築土為

山以闕望城內謂之距堙

畢命正義漢書律歷志云畢命豐刑曰惟十有二年六

月庚午肫王命作策書豐刑此僞作者

罔命大僕正正義與君同車最爲親近故春秋隨侯寵少師以爲車右漢書文帝愛趙同命之爲御

康誥正義周官隣保以比伍相及而趙商疑而發問鄭答云周禮太平制此爲居殷亂而言斯不然矣康誥所云以骨肉之親得相容隱故左傳云父子兄弟罪不相及周禮所云據疎人相督率之法故相連獲罪故今之律令大功已上得相容隱鄰保罪有相及是也

鹽鐵論文學曰自首匿相坐之法立骨肉之恩廢而刑罪多

論語

服周之冕正義阮謚二禮圖漢禮器制度云冕長尺六寸廣八寸天子以下皆同董巴輿服志云廣七寸長尺二寸應劭漢官儀云廣七寸長八寸沈又云廣八寸長尺六寸者天子之冕廣七寸長尺二寸者諸侯之冕廣七寸長八寸者大夫之冕但古禮殘缺未知孰是司馬彪漢輿服志云孝明帝永平二年初

詔有司采周官禮記尚書之文制冕皆前圓後方朱裏元上前垂四寸後垂三寸天子白玉珠十二旒三公諸侯青玉珠七旒卿大夫黑玉珠五旒皆有前無後此則漢法耳

傳不習乎釋文鄭注云魯讀傳為專今從古案 周之本以齊古讀正凡五十事鄭本或無此注者然皇覽引魯讀六事則無者非也

寢衣孔曰今之被也

孟子

孝文欲廣遊學之路論語孝經孟子爾雅皆置博士後罷傳記博士獨立五經而已 劉歆曰天下眾書往往頗出皆諸子傳說猶廣立於學官為置博士

人皆謂我毀明堂注謂泰山下明堂本周天子東巡狩朝諸侯之處也

太誓曰我武惟揚注太誓古尚書百二十篇之時太誓也今之尚書太誓篇後得以充學故不與古太誓同諸傳記引太誓皆古太誓也

事舜於畎畝之中注孟子時尚書凡百二十篇逸書有

舜典之敘亡失其文孟子諸所言舜事皆堯典及逸書所載

皆去其籍注今周禮司祿之官無其職是則諸侯皆去之故使不復存也

庶人在官者注食祿之等差由農夫有上中下之次亦有此五等若今之斗食佐史除吏也

國語

祭公謀父曰日祭注日祭祭於祖考謂上食也近漢亦然

土乃脈發注農書曰春土冒楸陳根可拔耕者急發

律所以立均出度也注均者均鍾木長七尺有弦繫之以均鍾者度鍾大小清濁也漢大予樂官有之

宗室之謀不過宗人注此宗人則上宗臣也亦用同姓若漢宗正用諸劉矣

被羽先升注羽鳥羽繫於背若今軍將負毼矣

執枹鼓立於軍門注軍門立旌為門若今牙門矣

屏攝之位注屏屏風也攝形如今要扇皆所以分別尊卑為祭祀之位近漢亦然

左傳巡羣屏攝注祭祀之位正義鄭眾云攝束茅以



為屏蔽

盟于宋侯遮扞衛不行注候候望遮遮罔也晝則候遮  
夜則扞衛扞衛謂羅闈狗附也張羅闈去壘五十步  
而陳周軍之前後左右彊弩注矢以誰何謂之羅闈  
又二十人為曹輩去壘三百步畜犬其中或視前後  
或視左右謂之狗附皆昏而設明而罷候遮二千人  
居狗附處以視聽候望明而設昏而罷

右執殤宮注若今世云能使殤也

巴浦之犀犛兕象注今象出徼外其三獸則荆交有焉

億醜注十萬曰億古數也今人乃以萬萬為億

追而予之璽書注古者大夫之印亦稱璽

左傳正義蔡邕獨斷云璽

印也信也天子璽白玉螭虎紐古者尊卑共之衛宏云秦以前民皆以金玉為印唯其所好自秦以來唯天子之印獨稱璽又以玉羣臣莫敢用也

越語夫差衣水犀之甲者億有三千注所謂賢良也若

今備衛士

### 公羊春秋

隱元年會猶最也注最之為言聚若今聚民為投最  
如勿與而已矣注如即不如齊人語也

二年無聞焉爾注春秋其說口授相傳至漢公羊氏及弟子胡毋生等乃始記於竹帛故有所失也

昉於此乎注昉適也齊人語

五年登來之也注登讀言得來得來之者齊人語也齊

人名求得為得來作登來者其言大而急由口授也

百金之魚注百金猶百萬也古者以金重一斤若今萬

錢矣

桓二年累也注齊人語也 五年悵也注悵者狂也齊

人語 七年焚之者何樵之也注樵之齊人語 六

年化我也注行過無禮謂之化齊人語也

莊十二年注脰頸也齊人語 二十年注瘠病也齊人

語也 二十八年伐者為客注伐人者為客讀伐長

言之齊人語也伐者為主注見伐者為主讀伐短言

之齊人語也 三十一年漱浣注無垢加功曰漱去

垢曰浣齊人語也

僖元年注輶小車轅冀州以北名之云爾 十年踊為

文公諱也注踊豫也齊人語若關西言渾矣 三十

三年詐戰注詐卒也齊人語也

文十三年往黨注黨所也所猶時齊人語也 十五年  
筍將而來注筍者竹篔一名編輿齊魯以北名之曰  
筍

宣六年荷畚注畚草器若今市所量穀者是也齊人謂  
之鍾

膳宰注主宰割殺犧者若今大官宰人

成二年踊于拊而窺客注凡無高下有絕加躡板曰拊  
齊人語 十五年魯人徐傷歸父之無後也注徐者  
皆共之辭也關東語

襄五年往殆乎晉注殆疑讞于晉齊人語

十六年君若贅旒然注若今俗名就壻爲贅壻矣

三十年更宋之所喪注如今俗名解浣衣復之爲更衣

昭二十五年再拜顙注顙者猶今叩頭矣

定元年不蓑城注若今以草衣城是也

哀六年于諸其家注于諸寘也齊人語也

十二年用田賦注若今漢家歛民錢以田爲率矣

### 說文

漢律曰祠祗司命

祗卑履切以  
豚祠司命

漢律會稽獻鱖一斗魚既切煎茱萸

漢令曰趕張百人車者切距也

靡漢令鬲從瓦麻聲

漢令曰蠻夷長有罪當殊之

漢律令篋小筐也

漢律能捕豺豺購百錢

漢律會稽郡獻鮎醬三斗蚌也巨乙切

漢律曰婦告威姑

絳籀文繪揚雄以為漢律祠宗廟丹書告

漢律民不繇貲錢二十二

漢律曰綺絲數謂之紩治小切布謂之總綬組謂之首

漢律曰膠田秣艸

漢律曰及其門首灑泔

漢令蠻夷卒有顙相主切絆前兩足也

漢令解衣耕謂之襄

漢律曰賜衣者縵表白裏

漢律名舩方長為舩艦

漢律齊人子妻婢姦曰姘左傳注漢律注季父之妻曰報

漢律曰見姪變不得侍祠

樂浪挈令織从糸从式臣鉉等曰挈令蓋律令之書也

尉律學僮十七已上始試諷籀書九千字乃得為吏又

以八體試之郡移太史并課最者以為尚書史書或

不正輒舉劾之徐錯曰尉律漢律篇名

明堂月令元鳥至之日祠于高禘 季夏燒雉 數將

饑終 舫人習水 酎三重醇酒也明堂月令曰孟

秋天子飲酎

對或從士漢文帝以為責對而為言多非誠對故去其

口以从士也

秦漢之初侍中冠駿蟻冠

漢中有胸臆縣地下多此蟲因以為名

符信也漢制以竹長六寸分而相合

古者貨貝而寶龜周而有泉至秦廢貝行錢

秦以罪為臯字秦以臯似臯字改為罪

漢令有髮長

秦謂民為黔首謂黑色也周謂之黎民

漢有桐馬官作馬酒

後漢長沙王始煮艸為櫟

東齊壻謂之倩

今俗以始生子為鼻子

今逐疫有顛頭

祇胡神也 僧浮屠道人也 塔西域浮屠也

律歷書名五星為五步

洛陽名弩曰彌

殺改大剛卯以逐精鬼

關二 各引弓控弦

輿召公名史篇名醜 徐鍇曰史篇所作 蒼頡十五篇也

安定朝那有湫泉

今鹽官入水取鹽為指

鷓走鳴長尾雉也乘輿以為防鉞著馬頭上

角觶狀如豕角善為弓出胡休多國

羌人所吹角屠鬻以驚馬也 羌笛三孔

潁川人名小兒所書寫為笞

古者玉瑄舜之時西王母來獻其白瑄前零陵文學姓

奚於伶道舜祠下得笙玉瑄夫以玉作音故神人以

和鳳皇來儀也

祕書臚从戌 祕書說日月為易象陰陽也

揚雄說以為古理官決罪三日得其宜乃行之从晶从

宜亡新以為壘从三日太盛改為三田

鬱鬯百艸之華遠方鬱人所貢芳艸合釀之以降神鬱

今鬱林郡也

檣桑木也工官以為奘輪

檣柱砥古用木今以石

櫺龜目酒尊刻木作雲雷象

蜀人聞子雋鳴皆起云望帝

早稻田

春分而禾生日夏至晷景可度禾有秒秋分而秒定律

數十二秒而當一分十分而寸其以為重十二粟為

一分十二分為一銖故諸程品皆从禾

十髮為程一程為分十分為寸

布之八十縷為稷五稷為秭二秭為秬

右扶風有五時好時郵時皆黃帝時祭或曰秦文公立

也

司馬相如說淮南宋蔡舞吻喻也

鹽河東鹽地袤五十一里廣七里周百十六里

安定有鹵縣東方謂之虜西方謂之鹵

郊河東臨汾地即漢之所祭后土處

宏農謂滌帔也

幪南郡蠻夷賓布

幡音兒拭觚布也

今鹽官三斛為一畀居倦反

中婦人手長八寸謂之咫周尺也

頰太史卜書頰仰字如此

顛南山四顛白首人也

龠會稽山一曰九江當龠也民以辛壬癸甲嫁娶

甘氏星經曰太白上公妻曰女媞

女媞居南斗食厲天下祭之日明星

冬至後三戌臘祭百神

鱮魚名皮有文出樂浪東曉神爵四年初捕收輸考工

媵楚俗以二月祭飲食也一曰祈穀食新曰離媵

南方蠻閩从虫北方狄从犬東方貉从豸西方羌从羊

此六種也西南夔人焦僥从人蓋在坤地頗有順理

之性惟東夷从大大人也夷俗仁仁者壽有君子不



死之國孔子曰道不行欲之九夷桴浮于海有以也

周制天子地方千里分爲百縣縣有四郡故春秋傳曰

上大夫受郡是也至秦初置三十六郡以監其縣

周景王作洛陽諺臺尺氏切

揚雄賦響若氏隕承旨切

葦貉中女子無袴以帛爲脰空用絮補核名曰縛衣狀

如襜褕

召上書者汝南許沖詣左掖門會令并齋所上書十月

十九日中黃門饒喜已詔書賜召陵公乘許沖布四

十匹即日受詔朱雀掖門敕勿謝

漢制考卷之四

漢制考卷之四

終



蘇詩別集卷之四

